



Broj: 01-3-34-5176/26  
Sarajevo, 25. 5. 2026. godine

Na osnovu Godišnjeg programa rada JU Institut za razvoj preduniverzitetskog obrazovanja Kantona Sarajevo za 2026. godinu, Mišljenja Ad 3 Stručnog vijeće JU Institut za razvoj preduniverzitetskog obrazovanja Kantona Sarajevo br: 08-04-2815-4/24 od 28. 3. 2024. godine i Odluke o objavljivanju Javnog poziva za izbor radnika javnih ustanova u sektoru odgoja i obrazovanja Kantona Sarajevo koji će sudjelovati na međunarodnim konferencijama broj: 01-3-34-5175/26 od 25.05.2026. godine, JU Institut za razvoj preduniverzitetskog obrazovanja Kantona Sarajevo, objavljuje:

**JAVNI POZIV  
ZA IZBOR RADNIKA JAVNIH USTANOVA U SEKTORU ODGOJA I  
OBRAZOVANJA KANTONA SARAJEVO KOJI ĆE SUDJELOVATI NA  
MEĐUNARODNIM KONFERENCIJAMA**

Javni poziv se objavljuje s ciljem finansiranja učešća na međunarodnim konferencijama iz oblasti odgoja i obrazovanja odgajateljima, nastavnicima, stručnim saradnicima i saradnicima zaposlenim u javnim odgojno obrazovnim ustanovama Kantona Sarajevo.

Pozivamo sve zainteresirane odgajatelje, nastavnike, stručne saradnike i saradnike zaposlene u javnim odgojno obrazovnim ustanovama Kantona Sarajevo da se prijave za sudjelovanje na prestižnim međunarodnim konferencijama koje će se održati u nadolazećim mjesecima ove godine. Ove konferencije pružaju jedinstvenu priliku za profesionalni razvoj, razmjenu znanja i iskustava, te uspostavljanje novih kontakata sa stručnjacima iz cijelog svijeta.

JU Institut za razvoj preduniverzitetskog obrazovanja Kantona Sarajevo (u daljem tekstu: Institut) će izabranim kandidatima izvršiti isplatu troškova učešća na međunarodnim konferencijama koji obuhvataju troškove kotizacije, troškove smještaja i troškove prijevoza (putne karte), dok ostale troškove snosi učesnik konferencije. Sa izabranim kandidatima direktorica Instituta će zaključiti Ugovor o djelu kojim će se detaljnije regulisati prava i obaveze ugovornih strana.

Uvjeti prijave su navedeni u tekstu ispod kako slijedi:

**I**

Kriteriji za izbor odgajatelja / nastavnika / stručnih saradnika/ saradnika zaposlenih u javnim ustanovama u sektoru odgoja i obrazovanja Kantona Sarajevo za finansiranje učešća na međunarodnim konferencijama iz oblasti odgoja i obrazovanja:



## 1.1. Opći kriteriji

I. I. Pravo prijave na Javni poziv imaju osobe koje ispunjavaju sljedeće uslove:

- a) Da je zaposlen kao odgajatelj, nastavnik, stručni saradnik ili saradnik u javnoj ustanovi predškolskog, osnovnog ili srednjeg obrazovanja Kantona Sarajevo;
- b) Da ima položen stručni ispit za rad u odgojnoj ili odgojno-obrazovnoj ustanovi;
- c) Da je državljanin BiH;

## 1.2. Dodatni kriteriji

- a) Da posjeduje radno iskustvo najmanje pet (5) godina u ustanovi predškolskog, osnovnog ili srednjeg obrazovanja Kantona Sarajevo;
- b) Da posjeduje stečeno stručno zvanje;
- c) Da je posljednja ocjena o radu „Naročito se ističe“, u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika („Službene novine Kantona Sarajevo“, broj: 19/04) ;
- d) Posebno priznaje UNSA;
- e) Da je autor/koautor udžbenika koji je odobren u Kantonu Sarajevo;
- f) Da je autor/koautor različitih publikacija, knjiga, udžbenika, članaka koji su vezani za oblast odgoja i obrazovanja i rad ustanova predškolskog, osnovnog i srednjeg obrazovanja;
- g) Da ima učešće u reformskim procesima i drugim oblicima profesionalnog razvoja kroz saradnju sa nadležnim obrazovnim vlastima, nevladinim i/ili drugim organizacijama;
- h) Da je bio izlagač na nekoj od regionalnih i međunarodnih konferencija iz oblasti odgoja i obrazovanja;
- i) Da je trener/edukator na državnim, regionalnim i međunarodnim edukacijama iz oblasti odgoja i obrazovanja;
- j) Da je koordinator/trener/edukator na državnim, regionalnim i međunarodnim projektima iz oblasti odgoja i obrazovanja;
- k) Da ima aktivno učešće u reformskim procesima i drugim oblicima profesionalnog razvoja kroz saradnju sa nadležnim obrazovnim vlastima, nevladinim i/ili drugim organizacijama;
- l) Da ima završen kurs stranih jezika;
- m) Da ima završeni programi obuke i stručnog usavršavanja, u okviru profesionalnog razvoja, relevantnim za djelatnost predškolskog, osnovnog i srednjeg obrazovanja.

## 1.3. Obaveze kandidata koji budu izabrani na osnovu objavljenog Javnog poziva

- Odlazak i učešće na konferenciji;
- Podnošenje izvještaja Institutu nakon održane konferencije u skladu s obrascima Instituta;



- 
- Priprema materijala za stručno usavršavanje/obuke i dostavljanje Institutu;
  - Gostovanje i prisustvo u medijima o prisustvu konferenciji u organizaciji Instituta;
  - Održavanje stručnog usavršavanja/obuke (plenarnog ili radioničkog tipa) za ciljne grupe odgajatelja/nastavnika/stručnih saradnika/saradnika zaposlenih u odgojno-obrazovnim ustanovama Kantona Sarajevo koji realiziraju nastavu u okviru područja/oblasti na koju se odnosila konferencija, u organizaciji Instituta.

## II

### Kandidati su obavezni dostaviti sljedeće dokumente:

#### 2.1. Obavezna dokumentacija

- a) Svojeručno **potpisana prijava** na Javni poziv sa kratkom biografijom i obavezno naznačenim ličnim podacima (jasno napisano ime i prezime, adresa stanovanja, broj telefona i e-mail adresa);
- b) Diploma/uvjerenje o završenom školovanju
- c) Uvjerenje o položenom stručnom ispitu;
- d) Uvjerenje o državljanstvu (datum izdavanja dokumenta ne smije biti stariji od tri (3) mjeseca od dana objave Javnog poziva);
- e) Izvod iz matične knjige rođenih;
- f) Motivaciono pismo.

#### 2.2. Dodatna dokumentacija

- a) Uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko-invalidsko osiguranje ili potvrdu o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima koje je kandidat obavljao;
- b) Rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;
- c) Rješenje o ocjeni o radu koje je izdato u skladu sa gore navedenim Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;
- d) potvrda o posebnom priznaju UNSA;
- e) dokaz da je kandidat autor/koautor udžbenika koji je odobren za upotrebu u Kantonu Sarajevo;



- f) dokaz da je kandidat autor/koautor različitih publikacija, knjiga, udžbenika, članaka koji su vezani za oblast odgoja i obrazovanja i rad ustanova predškolskog, osnovnog i srednjeg obrazovanja;
- g) dokaz da je kandidat ostvario aktivno učešće u reformskim procesima i drugim oblicima profesionalnog razvoja kroz saradnju sa nadležnim obrazovnim vlastima, nevladinim i/ili drugim organizacijama;
- h) dokaz da je kandidat bio izlagač na nekoj od regionalnih i međunarodnih konferencija iz oblasti odgoja i obrazovanja;
- i) dokaz da je kandidat bio trener/edukator na državnim, regionalnim i međunarodnim edukacijama iz oblasti odgoja i obrazovanja;
- j) dokaz da je kandidat bio koordinator/trener/edukator na državnim, regionalnim i međunarodnim projektima iz oblasti odgoja i obrazovanja;
- k) potvrda/certifikat o završenim kursovima stranih jezika;
- l) potvrde/certifikati o završenim programima obuke i stručnom usavršavanju, u okviru profesionalnog razvoja, relevantnim za djelatnost predškolskog, osnovnog i srednjeg obrazovanja.

Dodatnu dokumentaciju, tačke e), f), g), h), i) i j) dostaviti kao prilog biografije uz navođenje izvora. Ostalu dokumentaciju dostaviti u originalu ili ovjerene kopije na adresu:

JU Institut za razvoj preduniverzitetskog obrazovanja Kantona Sarajevo  
Aleja Bosne Srebrene bb/IX  
71 000 Sarajevo  
( s naznakom „ prijava na Javni poziv za međunarodne konferencije“)

**NAPOMENA: JU Institut za razvoj preduniverzitetskog obrazovanja Kantona Sarajevo zadržava pravo traženja dodatne dokumentacije relevantne za dokazivanje uvjeta predviđenim zakonom i pravo provjere validnosti dokumenata.**

Rok za dostavljanje prijave je petnaest (15) dana od dana objavljivanja Javnog poziva. Prednost imaju kandidati koji ranije nisu išli na međunarodne konferencije u organizaciji Ministarstava za odgoj i obrazovanje Kantona Sarajevo i JU Institut za razvoj preduniverzitetskog obrazovanja Kantona Sarajevo.

Nepotpune i neblagovremene prijave na Javni poziv neće se razmatrati, te se kandidati koji podnesu takve prijave neće smatrati prijavljenim.

Prijave, koje odgovaraju uslovima Javnog poziva, procjenjuju članovi komisije koje imenuje direktorica Instituta. Konačnu Odluku o izboru kandidata donosi direktorica Instituta na prijedlog Komisije.



**Direktorica Instituta**

Senada Salihović

web: <http://www.irpo.ba>

e-mail: [info@irpo.ba](mailto:info@irpo.ba)

Tel: (00 387 33) 778 600

Aleja Bosne Srebrene bb/IX, 71000 Sarajevo, Bosna i Hercegovina